



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt XII.

urn:nbn:de:hbz:466:1-11227

Præter has quatuor collegiatas Ecclesias, erant in vrbe Argentinensi totidem Parochiæ *S. Aureliæ, S. Andreae, S. Martini, & S. Nicolai.* Ita Franciscus Guillimannus lib. de Episcopis Argentinensibus, cap. 9.

CAPVT XII.

3. *SERVATII COLLEGIVM TRAIECTENSE ad Mosam in d. Leodiensi.*

Seruatius Tungrorum Episcopus, eo tempore quo Hunni Germaniam vastabant, ne ciuitatis atque Ecclesiæ suæ videret excidium, Domini reuelatione commotus, transijt ad vicum Traiectensium, ibiq; defunctus & sepultus est. Ob cuius meritum omnibus demonstrandum, cum tempore hiemis omnia in circuitu nix repleret, nunquam sepulchrum eius operuit, donec industria ciuium Basilica supra ipsum ædificata est à successore eius *S. Monulpho*, qui octauus ab eo inter Episcopos Traiectenses recensetur.

Fuit autem, vt Gregorius Turonensis Episcopus scribit, vir eximiæ Sanctitatis, qui vigilijs ac ieiunijs vacans, crebro lacrymarum imbre perfusus, misericordiam Domini precabatur, ne vnquam Hunnorum gentem incredulam in Gallias venire permitteret. Sed sentiens per spiritum, pro delictis populi hoc sibi non fuisse concessum, Romam iuit ad B.
Petri

Petri tumulum, vt adiunctis sibi Apostolicæ virtutis patrocinijs, quæ flagitabat, mereretur faciliùs obtinere. Ibi verò multis diebus sese oratione & maxima inedia affligens, responsum accepit, à Domino sancitum esse, ab Hūnis Gallias depopulandas, ipsius autem oculos ea mala non visuros. Quo responso suscepto, celeriter redijt ad urbem Tungrorum; valeque dicens clericis ac reliquis ciuibus vrbis, denunciatur illis cū fletu, quia nō visuri essent vltra faciem suam. Itaq; ad Traiectensem urbem accedens, modicā pulsatus febre, recessit à corpore; ablutusque à fidelibus, iuxta pontem aggeris publici est sepultus.

Collegium porrò ac templum S. Seruatij Traiectense foundationem ac Dotem suam debent *Sancto Monulpho* Traiectensi Episcopo, qui, vt Gregorius Episcopus Turonensis attestatur, *Magnum templum Traiecti in honorem Sancti Seruatij construxit, composuit, & ornavit: in quod multo studio, & veneratione translātū corpus magnis virtutibus pollet.* Clericos Deum timentes ibidem instituit, quos monuit semper secundum canonicā instituta in omnibus viuere. Prædiorum suorum, inter quæ est castrum *Dionantum* Beatū Seruatium scripsit hæredem, in cuius Ecclesiæ medio omnibus dignè peractis, sepultus est, postquam 39. plus minùs annis fuisset Episcopus.

In Collegio Seruatiano Canonicatum obtinet

tinet Dux Brabantiae, vt Rex Galliae in collegijs Turonensi, Andegauensi, & Cabilonenfi.

S. MARIAE COLLEGIUM TRAIECTENSE ad Mosam.

HVius Collegij originem nonnulli rerum Leodiensium scriptores S. Monulpho Episcopo Traiectensi adscribunt. Memini me legere in Rubrae Vallis monasterio apud Bruxellam. Hæc ferè verba in manuscripto chronico Episcoporum Leodiensium: S. Monulphus Traiecti Ecclesiam B. Mariae fundauit, eoq; sedem transtulit Episcopalem, in qua praesederunt decem Episcopi Traiectenses, quorum ipse fuit primus, & S. Hubertus vltimus. Alij tamen id negant; & scribunt S. Monulphum circa annum Christi 581. templum honorificum Traiecti in honorem S. Seruatij ædificasse, atque in illud corpus S. Seruatij ac sedem Episcopalem transtulisse. Vide Gregorium Turonensem libro de gloria Confessorum capite septuagesimo secundo.

Obijt autem S. Monulphus anno 609. in templo Sancti Seruatij sepultus, vt diximus.

In hoc templo adseruatur magna pars Crucis Dominicae, cum veteri inscriptione Græca: de qua vide Gretserum lib. de Cruc.